

港姐出身的袁詠儀（靚靚），近日重返娘家無綫拍攝新劇《模仿人生》。日前她與劇中拍檔羅子溢、陳自瑤等於深圳開工，更獲無綫行政主席許濤親自前往探班，果然界足面。靚靚更對許濤說：「你要多啲支持我哋依套劇喇！」足見這位兩屆金像影后地位超然。

相隔 16 年回巢無綫拍劇

獲許濤探班 袁詠儀顯地位

前年余詩曼回歸無綫拍攝《新聞女王》，播出後掀起熱潮，今次則輪到靚靚歸隊，同樣拍攝由《新》劇的鍾澍佳任總監製的《模仿人生》。無綫 TVB 娛樂新聞台日前北上深圳採訪靚靚，更拍下老闆許濤親自探班一幕。許濤對這位影后稱：「你好耐無拍劇喇喇，多謝你返嚟。」她即對許濤說：「係呀，你要多啲支持我哋依套劇喇！」許濤回應：「所以我咪嚟囉！」

讚《婚後事》題材貼地

今次是靚靚繼 2009 年拍畢《富貴門》後「愛回家」，原來她今次堅決強勢回歸只因一個人。她受訪時稱：「鍾澍佳囉！我幾鍾意佢近排嘅作品，我都睇過一啲，佢都好好，之前亦都有問過我拍另一啲，但我話我想拍另一啲時，佢真係有啲幾得意嘅，我就考慮啦。」靚靚不諱言近年

也有留意 TVB 劇集：「其實我幾鍾意《婚後事》，覺得好貼地好鍾意。」談到《模仿人生》有《婚》劇主角陳自瑤、羅子溢助陣，靚靚直言：「係呀！我哋做咗好大爭取喇！（一定要佢哋啲嘢？）係呀！合約有寫喇！依啲要求無乜人做，通常係講開工時間，幾多錢，但係我唔係，我就係要依啲（陳自瑤、羅子溢）演員。」

羅子溢：好似第一次追女仔

另一方面，靚靚又指今次出山獲老公張智霖（Chilam）支持，全因老公覺得要工作才會長壽：「佢覺得人一定要做嘢，唔做嘢嘅人好快死，成日覺得唔可以咁早退休，要揀自己鍾意做嘢嘢，喺屋企你眼望我眼，好快會鍊死對方。（Chilam 北上探班？）老公好少探班，大家都拍戲嘅有乜好睇！（佢會好掛住你嘢？）總之唔死就得喇。」至於獲影后大讚



■貴為無綫行政主席的許濤親自北上探班，極為罕見。



■陳自瑤及羅子溢也期待與靚靚鬥戲。

的陳自瑤，她坦言期待與靚靚對戲，亦高興對方拍劇：「影后級，如果可以做對手戲學到好多嘢！」子溢則坦言多次與 Chilam 合作，今次與其妻拍劇大感新鮮：「第一次同靚靚姐咁重分量演員合作，戰戰兢兢好興奮，好似第一次追女仔咁！」



■袁詠儀上次拍無綫劇已是 2009 年播出的《富貴門》。

高 Ling 助爸爸求婚為母補償

內地真人騷《因為是朋友呀 2》昨晚播出一集，容祖兒、蔡卓妍（阿Sa）、鍾欣潼、高海寧（高 Ling）及高媽媽延續馬來西亞郵輪之旅。上集高 Ling 提到父母當年結婚未有大排筵席及拍婚照，甚至連求婚也沒有。高 Ling 今次為父母補償，祖兒、阿Sa 及阿嬌三人自然義不容辭，更請來霍汶希（Mani）助陣。Mani 一早跟高爸爸來到馬來西亞僑生博物館，靜待 4 位女星帶高媽媽前來。高爸爸趁她們投入拍照期間竟手持鮮花走到太太旁，轉頭單膝下跪拿出戒指，令太太哭成淚人。高爸爸說：「有幾句想同你講，你再次嫁畀我可唔可以？」此時此刻，高 Ling 也忍不住眼濕濕，祖兒更感動地說：「他們讓我還是相信愛情！」



■高 Ling 向愛錫雙親。



■Hey Brother 新曲《我為人人》被網民讚有正能量。

Hey Brother 撥撈願為家燕姐伴舞

由曹永康、麥長青（麥包）、李思捷、唐文龍及黃智賢組成的「中佬」男團「Hey Brother」前晚接受薛家燕（家燕姐）主持的電台節目訪問，5 位中佬大膽即場「撥撈」，揚言想跟家燕姐登台。對於家燕姐以往登台拍檔是黎耀祥、陳展鵬等視帝級人馬；曹永康及麥包曾奪最佳男配角，他們即指以男配角做拍檔更具新鮮感，還可以為跳十字步的家燕姐伴舞；家燕姐聞言也開玩笑道：「你哋放心，我唔會責你哋到 KK 圍。」逗得全場大笑。五人又透露，Hey Brother 除了踩入歌影界，還有人斟洽他們演「笑唱會」，他們繼首支歌曲《我為人人》後，即將有第 2 首團歌面世。



■薇薇今年有冇再奪視后。

《萬千星輝頒獎典禮 2024》競逐最佳男、女主角的 10 強部份候選人，包括譚俊彥、陳展鵬、黎耀祥、林夏薇（薇薇）、龔嘉欣等昨日於電視城會見傳媒，戴上自家品牌「黑皇后」首飾系列的薇薇，被網民投票推舉成為「民選視后」，她高興獲觀眾認同，預告頒獎禮將悉心打扮，更會戴上特別訂製的鑽石頸鍊參與盛事。薇薇現時在某媒體舉行的「民選視后」選舉票數中大幅領先，坦言對自己來說已是最高榮譽。後晚的台慶頒獎禮，她指有楊茜堯、胡定欣等好姊妹做對手，期望大家皆有好成績。薇薇笑言現時緊張自己的首飾品牌：「因為我替《黑色月光》推出『黑皇后』系列，有頸鍊、耳環等手飾，另外也為頒獎禮訂製咗一條鑽石頸鍊，希望帶來好運！」薇薇將到馬來西亞出席活動，之後「收爐」等過農曆新年，她指手頭上仍有工作安排，暫未計劃去旅行。另外，陳展鵬再爭視帝，他笑稱最緊張是要找合適戰衣，全因早前於廣州開騷，最驚喜是女兒突然捧場兼上台唱歌。

領先民選視后 林夏薇感謝觀眾